

賢愚因緣經卷第十一

達一

無惱指鬘緣品第五十一

元 魏 沙 門 慧 覺 譯

如是我聞一時佛在舍衛國祇樹給孤獨園
於時國王名波斯匿王有輔相聰明巨富其
婦懷妊生一男兒形貌端正容體殊絕於時
輔相見兒歡喜即召相師令占相之相師看
見懷喜而言是兒福相人中挺特聰明智辯
有踰人之德父聞遂喜勑爲作字相師問言
兒受胎來有何異事輔相答言其母素性不

能良善懷妊以來倍更異常心性恭順樂宣
人德慈矜苦厄不喜說過相師言曰此是兒
志當爲立字號阿豐賊奇此言無惱兒漸長大雄
壯絕倫有力士之力一人敵千騰接飛鳥走
疾奔馬其父輔相甚愛念之於時國中有一
婆羅門聰明博達多聞廣識有五百弟子追
逐隨學爾時輔相即將其兒往屬及之令其
學問婆羅門可之受持教授加阿豐賊奇夙
夜勤業一日諮詢勝於經年學未經久普悉
通達婆羅門師異常待遇行來進止每與其

俱及諸同學傾意瞻敬爾時婆羅門師婦見其端正才姿挺貌過踰人表懷情色著愛不去竟然諸弟子與共同遊行止不獨無緣與語有心不遂常以歎悒會有檀越來請其師及諸弟子三月一時婆羅門師內與婦議我今當行受請三月當留一人經營於後時婦內喜密自懷計白婆羅門是事應爾後家理重宜須才能可留無惱屬以後事時婆羅門即勃無惱我今赴彼檀越之請後事總多須人料理卿善才能爲吾營後無惱受教即住

不行師及徒衆引道而去其婦怡悅欣喜無量極自莊飾多作姿媚與共談語嬈動美意無惱志固無心相從欲心轉盛實意語之我相欽愛由來有素但避衆人有懷未發汝師臨去吾故相留今旣獨靜當從我意無惱曉謝語言我梵志法不姓師婦若當違犯非婆羅門寧交取死終不爲此於時師婦望重違達一心慙愧瞋憤復作密計候師垂至挽裂衣裳擗破其面塵土全身憔悴卧地無所言說時婆羅門師徒俱到師即入內見婦色狀即問

其故何緣乃爾婦垂泣言不足問也時婆羅門重更問之汝有何事當相告語云何不說婦啼而言汝所欽羨阿豐賊竒自汝去後常見侵凌我適不從扯裂我衣壞我身首汝畜弟子云何乃爾婆羅門聞甚懷恚忿語其婦言此無惱者力敵千人輔相之子種族強盛雖欲治之宜當以漸談謀是已往見無惱隨宜方便而慰喻之我去之後苦汝營勞又汝前後奉事盡忠常感汝意思欲相酬有一秘法由來未說若能成辦直生梵天無惱長跪

問是何事答言若持七日之中斬千人首而取一指凡得千指以爲鬘飾爾時梵天便自來下命終之後定生梵天無惱聞此情懷猶豫復白師言此事不應殺害衆生更生梵天師又告言汝我弟子豈不信我至要之言汝若不信則爲義絕隨爾道徑莫復此住又更作呪堅刀在地說呪已訖惡心轉生師知其意即授與刀受刀走外得人便殺取指爲鬘人見便號爲仇魔羅此言指髮周行斬害到七日頭方得九百九十九指唯少一指殘殺一人

指數便滿人皆藏竄無敢行者遍行求覓更不能得七日之中不得飲食其母憐愍遣人爲致悉各懷懼無敢往者其母持食躬自致往兒遙見母走趣欲殺母時語言咄不孝物云何懷逆欲危害我兒便語言我受師教要七日中滿得千指便當得願生於梵天日數已滿更不能得事不獲已當殺於母母又語言事苟當爾但取我指莫見傷殺於時世尊具遙見之知其可度化作比丘行於彼邊鶩仇魔羅已見比丘捨母騰躍走趣規殺佛見

其來徐行捨去指髮極力走不能及便遙喚言比丘小佳佛遙答言我常自住但汝不住指髮復問云何汝住我不住耶佛即答言我諸根寂定而得自在汝從惡師稟受邪倒變易汝心不得定住晝夜殺害造無邊罪指髮聞此意欲開悟投刀遠棄遙禮自歸於時如來爾乃待之還現佛身光明朗日三十二相炳著奇妙指髮見佛光相威儀以身投地悔過自責佛粗說法得法眼淨心遂純信求索出家佛即可之善來比丘鬚髮自落法衣著

身隨彼所應重爲說法心垢都盡得羅漢道
佛即將其還祇陀林爾時國中人民之類聞
指鬘聲皆各驚怖人畜懷妊怖不能生時有
一象不能出子佛勑指鬘往說誠言我生以
達
來不殺一人指鬘白佛我由來殺多云何不
殺佛告之曰於聖法中是爲始生爾時指鬘
便整衣服奉教往說如說尋生皆得安隱還
詣精舍坐一房中時波斯匿王大合兵衆躬
欲往討鳩仇魔羅路由祇洹當往攻擊時祇
洹中有一比丘形極矬陋音聲異妙振聲高

唄音極和暢軍衆傾耳無有厭足象馬豎耳
住不肯行王怪問御者何以乃爾御者答言
由聞唄聲是使象馬停足立聽王言畜生尚
祇洹到下象乘解劍却蓋直進佛所敬禮問
訊彼唄比丘唄聲已絕王先問言向聞唄音
清妙和暢情豫欽慕願得見識施十萬錢佛
告之曰先與其錢然後可見若已見者更不
欲與一錢之心即將示之看其形狀倍復矬
陋不忍見之意無欲與一錢之想王從座起

長跪白佛今此比丘形極短醜其音深遠聲
徹乃爾宿作何行致得斯報佛告王曰善聽
著心過去有佛名曰迦葉度人周訖便般涅槃時彼國王名機里毗收取舍利欲用起塔
時四龍王化作人形來見其王問起塔事爲
用寶作爲用土耶王即答言欲令塔大無多
寶物那得使成今欲土作令方五里高二十
五里極使高顯可觀龍王白言我非是人皆
是龍王聞王作塔故來相問苟欲用寶當相
佐助王歡喜言能爾者快龍復語言四城門

外有四大泉城東泉水取用作鑿成紺瑠璃
城南泉水取用作鑿其鑿成已皆成黃金城
西泉水取用作鑿鑿成已變成爲銀城北
泉水取用作鑿其鑿成已變爲白玉王聞是
語倍增踊躍即立四監各典一邊其三監所
作功向欲成一監慢怠功獨不就王往看見
便以理責卿不用心當加罰謫其人懷恐便
白王言此塔太大當何時成王去之後勅諸
作人晝夜勤作一時都訖塔極高峻衆寶晃
昱莊校雕飾各有異觀見已歡喜懺悔前過

持一金鈴著塔頂頭即自求願令我所生音
聲極妙一切衆生莫不樂聞將來有佛號釋
迦牟尼使我得見度脫生死如是大王欲知
爾時一監作遲怨塔大者此比丘是緣彼恨
言嫌其塔大五百世中常極矬陋由後歡喜
於鈴塔頭求索好聲及願見我五百世中極
好音聲今復見我致得解脫王聞是已便辭
欲退佛問大王欲何所至王白佛言國有怨
賊鷙仇魔羅傷殺人民縱橫暴害今欲率衆
往攻伐之佛告王曰鷙仇魔羅當如今者不

能殺蟻況復餘耶王心念言世尊似往已降
伏之佛告王言指髮今已出家入道得阿羅
漢諸惡未盡今在其房欲見之不王言思見
即起到其房外聞指髮比丘聲歎之聲憶其
暴惡所傷彌廣怖躋斷絕良久乃甦還至佛
所以事白佛佛告王曰不但今日聞彼之聲
連一
墮地斷絕過去世時聞其音聲亦爾斷絕善
聽大王過去久遠此國浮提有一大國名波
羅捺爾時國中有一毒鳥捕諸毒蟲恒以爲
食其形極毒不可觸近所經歷下衆生皆死

樹木悉枯爾時此鳥過到一林住一樹上聲
欸欲鳴時彼林中有白象王在傍樹下聞妻
鳥聲躡地斷絕不能動搖如是大王爾時妻
鳥今指髮是時白象王今王身是王復白佛
鷲仇魔羅暴害茲甚殺爾所人賴蒙世尊降
化修善佛告王曰鷲仇魔羅不但今日殺此
多人蒙我降化過去世時亦殺此等我亦降
化乃復思善王重白佛不審此等先世被害
世尊降化其事云何願爲解說佛告王曰善
聽著心過去久遠阿僧祇劫此閻浮提有一

大國名波羅捺於時國王名波羅摩達爾時
國王將四種兵入山林中遊行獵戲王到澤
上馳逐禽獸單隻一乘獨到深林王時疲極
下馬小休爾時林中有狩師子懷欲心盛行
求其偶困不能得值於林間見王獨坐姪意
轉隆恩欲從王近到其邊舉尾達背住王知其
意而自思惟此是猛獸力能殺我若不從意
儻見危害王以怖故即從師子成欲事已師
子還去諸兵羣從已復來到王與人衆即還
宮城爾時師子從是懷胎日月滿足便生一

子形盡似人唯足斑駒師子憶識知是王有
便銜擔來著於王前王亦思惟自憶前事知
是已兒即收取養之以足斑駒字爲迦摩沙
波陀駒足此言養之漸大雄才志猛父王崩亡駒
足繼治時駒足王有二夫人一王者種二婆
羅門種時駒足王一日出城遊於園觀勑二
夫人隨我後往誰先到者當與一日極相娛
樂其隨後者吾不見之王去之後其二夫人
極自莊飾嚴駕車乘一時俱往到於道中見
於天祠梵志種者下車作禮禮已急進獨墮

後到王從本言而不前之於是夫人瞋恚煩
憤怨責天神我由禮汝使王見薄若有天力
何不護我恚恨憤惱密自懷計王後還宮加
意奉事復還待遇從王求願聽我國中一日
自在值王偏心自德可之出外令人打壞天
祠令平如地乃還宮中守天祠神悲苦懊惱
往至宮中欲思傷害王宮天神遮不聽入有一
仙人作仙山中時駒足王恒常供養日日
食時飛來入宮不食餚饌粗食麤供偶值一
日仙人不來天神知之化作其形欲來入宮

宮神猶識不聽前入遙在門外白王求通王
聞仙人在外索現怪其所以急勑聽入是時
宮神聞王有教即休不遮徑前得入坐於仙
人常坐之處辨如常食以用供養時化仙人
不肯就食即語王言此食麤惡又無肉魚云
何可歟王即自言大仙自來恒食清素故令
不辦肉魚餚饌化仙又告自今以後莫設麤
供具肉爲食即如語辦食已還去復到明日
舊仙飛來爲設麤饌種種之肉仙人瞋恚怨
責於王王言大仙時日勑如是作仙人語言

昨日有患斷食一日不來是間誰語汝曹但
相輕試故復爾耳令王是後十二年中恒食
人肉作是語竟飛還山中是後廚監忘不辦
肉臨時無計出外求肉見死小兒肥自在地
念且稱急即却頭足擔至廚中加諸美藥作
食與王王得食之覺美倍常即問廚監由來
食肉未有斯美此是何肉廚監惶怖腹拍王
前若王原罪乃敢實說王答之言但實說之
不問汝罪廚監白王先日有緣不及具肉得
死小兒以稱時要不意大王乃當覺之王言

此肉甚美異常自今已往如是求索廚監白王前者偶值自死小兒更求巨得其作食者畏懼國法王又語言汝但密取設令有覺者斷處由我廚監受教夜恒密捕得便殺之日供王於時城中人民之類各各行哭云亡九

小兒展轉相問何由乃爾諸臣聚議當試微伺即於街里處處安人見王廚監挫他小兒徇捕得之縛將詣王具以前後所亡事白王聞是語默然不答再三重白今捕得賊罪釁彰露事當決斷云何默然王乃答言是我所

教諸臣懷恨各自罷去於外共議王便是賊食我等子敵人之王云何共治當共除之去此禍害一切同心咸共齊謀城外園中有好池水其王日日至彼洗浴諸臣儲兵安伏園中王出洗浴已到池中伏兵一時周匝四合即圍其王嘗取殺之王見兵集驚怖問言汝等何故而圍逼我諸臣答言夫爲王者養民爲事方驗廚子殺人爲食衆民呼嗟告情無處不任苦酷故欲殺王王語諸臣我實無狀自今以後更不復爲唯見恕放當改自勵諸

臣語曰終不相放正使今日天雨黑雪令沒頭上生黑毒蛇猶不相聽不須多云時王駭足聞臣語已自知必死得脫無路即語諸臣雖當殺我小緩須臾聽我小住諸臣緩置王即自誓我身由來所修善行爲王正治供養仙人合集衆德迴令今日我得變成飛行羅刹其語已訖尋語而成即飛虛空告諸臣曰汝等合力欲強殺我賴我大幸復能自拔自今已後汝等好忍所愛妻兒我次當食語訖飛去居止林間飛搏取人擔以爲食人民之

類恐怖藏避如是之後殺數多人諸羅刹輩附爲翼從徒衆漸多所害轉廣後諸羅刹白駭足王我等奉事爲王翼從願爲我曹作一宴會時駭足王即許之言當取諸王令滿一千與沒曹輩以爲宴會許之已訖一一往取閉著深山已得九百九十九王殘少一人其數便足諸王念言我曹窮急當何所歸若當捕得須陀素彌有大方便能濟我等作是計已白羅刹王王欲作會極令有異純取諸王不用凡細須陀素彌有高名德若能得來王

會乃好羅刹王言此有何難即時飛騰欲往
取之值須陀素彌將諸妓女晨欲出城至園
洗浴道見婆羅門從其乞匁王語婆羅門待
我洗還當相布施王既到園入池中洗時羅
刹王飛空來取擔到山中須陀素彌愁憂悲
泣時駿足王而問之曰聞汝名德殊勝第一
大丈夫志當任窮達云何特愁啼如小兒須
陀素彌白羅刹王我不愛身貪惜壽命但念
生來未曾妄語朝出宮行見一道士當車駕
前從我乞匁我許洗還當相施與出值大王

擔我至此念今妄語違失誠信是以故愁非
惜身也願是哀愍假我七日施彼道士當歸
就死駿足聞是而語之言汝今得去寧當自
還來就死耶即復言曰正使不還我自能得
尋放令去王還到國道士猶在歡喜供養施
婆羅門時婆羅門見王不久欲還就死懼其
達一戀國而有愁憂即爲其王而說偈言
劫數終極乾坤洞然須彌巨海都爲火揚
天龍人鬼於中彫喪二儀尚殞國有何常
生老病死輪轉無際事與願違憂悲爲害

欲深禍重 瘡疣無外 三界都苦 國有何賴
有本自無 因緣成諸盛者必衰 實者必虛
衆生蠢蠢 都如幻居 三界皆空 國土亦如
識神無形 假乘四蛇 無明寶象 以爲樂車
形無常主 神無常家 形神尚離 岂有國耶
時須陀素彌聞說此偈思惟義理歡喜無量
即立太子自代爲王與諸臣別當還赴信諸
臣同聲白於王言願王但住勿憂駁足臣等
思計設備防慮鍛鐵爲舍王且在中駁足雖
猛何所能耶王告諸臣并諸人民夫人生世

誠信爲本虛妄苟存情所未許寧就信死不
妄語生復爲種種說誠信之利廣爲分別虛
妄之罪諸臣悲咽一更無言王起出城一切
皆送號慕道次斷絕復甦王曉喻訖涉道而
去時駁足王自思惟言須陀素彌今日應來
坐於山頂遙候望之見其循道徑來趣已既
到見之顏色怡悅歡喜解懌踰過於舊羅刹
王問快善能到人生於世靡不惜壽汝今當
死歡喜倍常還到本國獲何善利須陀素彌
答言大王寬恩假我七日布施得遂誠言又

聞妙法心用問解當如今日志願畢足雖當
就死情欣猶生駁是王言汝聞何法試爲吾
說須陀素彌爲說本偈復更方便廣爲說法
分別殺罪及其惡報復說慈心不殺之福駁
足歡喜敬戴爲禮承用其教無復害心即放
諸王各還本國須陀素彌即收兵衆還將駁
足安置本國前仙人誓十二年滿自是以後
更不敢人遂還霸王治民如舊如是大王欲
知爾時須陀素彌王者今我身是駁足王者
今鷲仇魔羅是爾時諸人十二年中爲駁足

王所食噉者今此諸人爲鷲仇魔羅所殺者
是此諸人等世世常爲鷲仇魔羅之所殺者
我亦世世降之以善我念過世爲凡夫時化
令不殺況我今日成爲如來衆德普被諸惡
求息豈復不能降化之耶王復白佛今此諸
人宿有何緣乃常世世爲其所殺佛告王曰
善心聽之乃往過去久遠劫中此閻浮提有
一大國名波羅捺於時國王名波羅摩達王
有二子各有雄才端正殊妙王甚愛念於時
小者心自念言設我父崩兄當繼治我既年

小無望國位生於一世已不作王處世何爲不如幽靜以求仙道作是念已往白父王貪慕深山求於仙道願見聽放得遂所志如是慇懃志不可奪父便聽之即放入山去經數年父王崩亡其兄繼位統領人民兄治不久

追一

十三

遇疾命終未有子嗣更無紹繼諸臣集議靡知所歸有一臣言王有小子前啓大王入山學仙當還往迎以續王位諸臣喜曰定有此事即相率合入山請喚到以情狀具白其意唯願垂降撫接我國仙人答言此事可畏我

此靜樂永無憂患世人兇惡好相斬戮若我爲王儻見圖害今甚樂此不能爲也諸臣重白王崩絕嗣更無紹繼唯有大仙是王之種國土人民不得無主唯願垂愍顧意臨覆如是致誠慇懃求請其意不忍遂與還國仙人少小不習欲事既來治國漸近女色姪事已染奔逸放蕩晨夜耽荒不能自制遂勑國中一切諸女欲出行時要先從我爾乃然後聽往從夫及諸國中端正婦女入其意者皆悉凌辱時一女人於道陌上多人衆中裸形立

溺人悉驚笑來共訶之汝何無羞乃至若是女即答言汝於女中有何羞恥汝等立溺既亦不羞我汝不異有何羞恥耶諸人答言是語何謂女復言曰唯王一人是男子耳一國婦女皆被其辱汝等若男當令爾耶於是諸人更相慚愧便共談議如此女言實是其理陰持女言轉密相語用心合謀欲共圖王城外園中有清涼池王恒前後至池洗浴諸臣民輩安伏園中值王出洗伏兵悉出周布圍繞逼取欲殺王乃驚曰欲作何等諸臣白言王

違政治姪荒過度壞亂常俗汙辱諸家臣等覩見不能堪忍故欲除王更求賢能王聞遂懼即語諸臣言我不是負累汝等請自改勵更不敢爾願見寬放與民更始諸臣復語正使今日天雨黑雪頂生毒蛇終不相放奚須

建一

十四

多云王聞是已自知必死瞋憾內憤語諸臣言我本在山無豫世事強來見逼以我爲王未有大失同心圖我我今單弱無力自救誓當來世常當殺汝垂當得道猶不相置雖作是誓猶故殺之如是大王欲知爾時仙人王

者今鷲仇魔羅是爾時臣民同心殺王者今此諸人爲鷲仇魔羅所殺者是從彼以來常爲所殺乃至今日猶害此等時王長跪復白佛言指鬚比丘殺此多人今已得道當受報不佛告大王行必有報今此比丘在於房中地獄之火從毛孔出極患苦痛酸切正言子時如來欲令衆會知作惡行必有罪報勑一比丘爲僧執事將僧人畜載致穀米道中逢雨隱息無處穀米囊物悉被澆浸時彼比丘思欲疾過力少行遲無方從意心懷悒遲比丘汝持戶排往指鬚房刺戶孔中比丘即往奉教爲之排入戶內尋時融消比丘驚愕還來白佛佛告比丘行報如是王及衆會莫

不信解爾時阿難長跪白佛鷲仇魔羅宿有何慶身力雄壯力士之力健捷輕疾走及飛鳥復得值佛越度生死唯願垂哀爲衆會說佛告阿難汝等善聽乃往過去迦葉佛時有一比丘爲僧執事將僧人畜載致穀米道中達逢雨隱息無處穀米囊物悉被澆浸時彼比丘思欲疾過力少行遲無方從意心懷悒遲即立誓言願我後生力敵千人身輕行速走疾飛鳥將來有佛釋迦牟尼使我得見永脫生死如是阿難爾時執事比丘者今鷲仇魔

羅是由彼世時出家持戒因營僧事立願之故自從是來世世端正猛力輕疾悉如其願復遇見我得度生死爾時阿難及諸比丘王及臣民一切會者聞佛所說因緣行報皆悉感勵思惟四諦有得須陀洹斯陀含阿那含阿羅漢者有種辟支佛善根本者有發無上正真道意者或有得住不退轉者皆護身口克心從善聞佛所說歡喜奉行

檀膩鞞緣品第五十二

如是我聞一時佛在舍衛國祇樹給孤獨園

爾時國內有婆羅門名賓頭盧墮闍其婦醜惡兩目復青純有七女無有男兒家自貧困諸女亦窮婦性弊惡恒罵其夫女等更互來求所須比來稱給瞋目涕哭其七女夫臻集其舍承待供給恐失其意田有熟穀未見踐治從他借牛將往踐之守牛不謹於澤亡失時婆羅門坐自思惟我種何罪酸毒兼至內爲惡婦所罵七女所切丈夫來集無以承當復失他牛不知所在廣行推覓形瘦心勞愁悶惱憐偶到林中值見如來坐於樹下諸根

寂定靜然安樂時婆羅門以杖拄頰久住觀
之便生此念瞿曇沙門今最安樂無有惡婦
罵詈鬪諍諸女熬惱貧女夫等煩損愁苦又
復無有田中熟穀不借他牛無有失憂佛知
其心便語之曰如汝所念如我今者靜無衆
連一

十六

思實無惡婦呪詛罵詈無有七女熬惱於我
亦無女夫競集我家亦復不憂田中熟穀不
借他牛無有亡憂佛告之曰欲出家不即白
佛言如我今者觀家如冢婦女衆緣如處怨
城世尊慈愍聽出家者甚適鄙願佛即告曰

善來比丘鬚髮自墮身所著衣變成袈裟佛
爲說法即於坐處諸垢永盡成阿羅漢阿難
聞之歎言善哉如來權導實難思議此婆羅
門宿種何慶得離衆患獲茲善利猶如淨甌
易染爲色佛告阿難此婆羅門非但今日蒙
我恩澤離苦獲安過去世時亦賴我恩得免
衆厄復獲安快阿難白佛不審世尊過去世
時云何免教令其脫苦佛告阿難諦聽諦聽
善思念之吾當爲汝廣分別說阿難白佛諾
當善聽佛告阿難乃往過去阿僧祇劫有大

國王名阿波羅提目伽此言端正治以道化不枉人民時王國中有婆羅門名檀膩一作騎家理空貧食不充口少有熟穀不能治之從他借牛將往踐治踐穀已竟驅牛還主驅到他門忘不屬付於是還歸牛主雖見謂用未竟復不收攝二家詳棄遂失其牛後往從索言已還汝共相欺冒爾時牛主將檀膩一作騎詣王責牛十七適出到外值見王家牧馬之人時馬逸走喚檀膩一作騎爲我遮馬時檀膩一作騎下手得石持用擲之偶值馬脚當手即折馬更復捉亦共詣

王次復前行到深水邊不知渡處值一木工口銜鋸斤褰衣垂越時檀膩一作騎問彼人曰何處可渡彼人應聲答渡處所其口已開鋸斤墮水求覓不得復來捉之共將詣王時檀膩一作騎爲諸債主所見催逼加復飢渴便於道次從酤酒家乞少白酒酒家憐愍即便匱與得他酒已上牀飲之不意被下有小兒卧飲酒比竟壓令腹潰爾時兒母復捉不放汝之無道枉殺我兒並共持著將詣王宮到一牆邊內自思惟我之不幸衆過橫集若至王所儻

能殺我我今逃之或可得脫作是念已自擲
越牆不意牆後有織老公身墮其上老公即
死時織公兒復捉得之便與衆人共將詣王
云殺我父次復前行見有一雉住在樹上遙
問之曰汝檀膩鞠今欲那去即以上緣向雉
說之雉復報言汝到彼所爲我白王我在餘
樹鳴聲不快若在此樹鳴聲哀好何緣乃爾
汝可語王爲我問之次見毒蛇蛇復問之汝
檀膩鞠今欲何至即以上事具向蛇說蛇復
報言汝到王所爲我白王我常晨朝初出穴

時身體柔軟無有衆痛暮還入時身癱強痛
礙孔難前時檀膩鞠亦受其囑復見母人而
問之言汝欲何趣復以上事盡向說之母人
報曰汝到王所爲我白王不知何故我向夫
家思父母舍父母舍住思念夫家亦受其囑
連一十時諸債主咸共圍守將至王所爾時牛主前
白王言此檀膩鞠從我借牛云用踐穀不還
見付失我牛去我從索牛不肯償我王問之
曰何不還牛檀膩鞠曰我實貧困孰穀在田
彼有恩意以牛借我我用踐訖驅還歸主主

亦見之雖不口付牛在其門我空歸家不知
彼牛竟云何失王語被人卿等二人俱爲不
是由擅臘繩口不付汝當截其舌由卿見牛
不自收攝當挑汝眼被人白王請棄此牛不
樂剜眼截他舌也即聽和解馬吏復言彼之
無道折我馬脚王便爲問擅臘繩言此王家
馬汝何以輒打折其脚跪白王言債主將我
從道而來被人喚我令速王馬馬奔臣仰下
手得石丸而擲之誤折馬腳非故爾也王語
馬吏由汝喚他當截汝舌由被打馬當截其

手馬吏白王自當備馬勿得行刑各共和解
木工復前云擅臘繩失我斬斤王即問言汝
復何以失他斬斤跪白王言我問渡處彼便
答我口中斬斤失墮渠水求覓不得實不故
爾王語木工由汝喚故當截其舌擔物之法
禮當用手由卿口銜致使墮水今當打汝前
兩齒折木工聞是前白王言寧棄斬斤莫行
十九此罰各共和解時酒家毋復牽白王王問擅
臘繩何以乃爾枉殺他兒跪白王言債主逼
我加復飢渴彼乞少酒上牀飲之不意被下

有卧小兒飲酒已訖兒已命終非臣所樂唯願大王當見恕察王告母人汝舍酷酒衆客猥多何以卧兒置於坐處覆令不現汝今二人俱有過罪汝兒已死以檀臘鞠與汝作壻令還有兒乃放使去爾時母人便叩頭曰我兒已死聽各和解我不用此餓婆羅門用作夫也於是各了自得和解時織工兒復前白王此人狂暴躡殺我公王問言曰汝以何故枉殺他父檀臘鞠曰衆債逼我我甚惶怖逃牆逃走偶墮其上實非所樂王語彼人二俱

不是卿父已死以檀臘鞠與汝作公其人白王父已死了我終不用此婆羅門以爲父也聽各共解王便聽之時檀臘鞠身事都了欣踊無量故在王前見二母人共諍一兒詣王相言時王明黠以智權計語二母人今唯一兒二母名之聽汝二人各挽一手誰能得者即是其子其非母者於兒無慈盡力頓牽不忍傷損所生母者於兒慈深隨從愛護不忍挫挽王監真僞語出力者實非汝子強謀他兒今於王前道汝事實即向王首我審虛妄

枉名他兒大王聰聖幸恕虛過見還其母各爾放去復有二人共諍白毼詣王紛紜王復以智如上斷之時檀臘一便白王言此諸債主將我來時於彼道邊有一毒蛇慇懃二倩我寄意白王不知何故從穴出時柔軟三便易還入穴時妨礙苦痛我不自知何緣四有是王答之言所以然者從穴出時無有衆惱心情和柔身亦如是蛇由在外鳥獸諸事觸燒其身瞋恚隆盛身便麤大是以入時礙穴難前卿可語之若汝在外持心不瞋如初出時則無

此患復白王言道見女人倩我白王我在夫家念父母舍若在父舍復念夫家不知所以何緣乃爾王復答言卿可語之由汝邪心於父毋舍更畜傍壻沒在夫家念彼傍人至彼小獸還念正壻是以爾耳卿可語之汝若持心捨邪就正則無此患又白王言道邊樹上見有一雉倩我白王我在餘樹鳴聲不好若在此樹鳴聲哀和不知其故何緣如是王告彼人所以爾者由彼樹下有大釜金是以於上鳴聲哀好餘處無金是以住上音聲不好

土告檀臘鞞卿之多過吾已釋汝家貧窮

困苦理極樹下釜金應是我有就用與汝卿
到可掘取奉受用王教一一答報掘取彼金
貨易田業一切所須皆無乏少便爲富人盡

達世快樂佛告阿難爾時大王阿波羅提目佉

者豈異人乎我身是也爾時婆羅門檀臘鞞
者今婆羅門賓頭盧墮闍是我往昔時免其
衆厄施以珍寶令其快樂吾今成佛復拔彼
苦施以無盡法藏寶財尊者阿難及諸衆會
聞佛所說歡喜奉行

貧女難陀緣品第五十三

如是我聞一時佛在舍衛國祇樹給孤獨園
爾時國中有一女人名曰難陀貧窮孤獨乞
匱自活見諸國王臣民大小各各供養佛及
衆僧心自思惟我之宿罪生處貧賤雖遭福
田無有種子酸切感傷深自咎悔便行乞匱
以俟微供竟日不休唯得一錢持詣油家欲
用買油油家問曰一錢買油少無所達用作
何等難陀具以所懷語之油主憐愍增倍與
油得已歡喜足作一燈燈向精舍奉上世尊

置於佛前衆燈之中自立誓願我今貧窮用
是小燈供養於佛以此功德令我來世得智
慧照滅除一切衆生垢闇作是誓已禮佛而
去乃至夜竟諸燈盡滅唯此獨然是時目連
次當日直察天已晚收燈擇擋見此一燈獨
然明好膏炷未損如新然燈心便生念白日
然燈無益時用欲取滅之暮規還然即時舉
手扇滅此燈燈燄如故無有虧減復以衣扇
燈明不損佛見目連欲滅此燈語目連曰今
此燈者非汝聲聞所能傾動正使汝注四大

海水以用灌之隨嵐風吹亦不能滅所以爾
者此是廣濟發大心人所施之物佛說是已
難陀女人復來詣佛頭面作禮於時世尊即
授其記汝於來世二阿僧祇百劫之中當得
作佛名曰燈光十號具足於是難陀得記歡
喜長跪白佛求索出家佛即聽之作比丘尼
達
慧命阿難目連見貧女人得免苦厄出家受
記長跪合掌前白佛言難陀女人宿有何行
經爾許時貧乞自活復因何行值佛出家四
輩欽仰諍求供養佛言阿難過去有佛名曰

迦葉爾時世中有居士婦躬往請佛及比丘僧然佛先已可一貧女受其供養此女已得阿那含道時長者婦自以財富輕忽貧者嫌佛世尊先受其請便復言曰世尊云何不受我供乃先應彼乞人請也以其惡言輕忽賢聖從是以來五百世中恒生貧賤乞匄之家由其彼日供養如來及於衆僧敬心歡喜今值佛世出家受記合國欽仰爾時衆會聞佛說此已皆大歡喜國王臣民聞此貧女奉上一燈受記作佛皆發欽仰並各施與上妙衣

服四供無之合國男女尊卑大小競共設作諸香油燈持詣祇洹供養於佛衆人猥多燈滿祇洹諸樹林中四布彌滿猶如衆星列在空中日日如是經於七夜爾時阿難甚用歡喜嗟歎如來若干德行前白佛言不審世尊過去世中作何善根致斯無極燈供累報佛告阿難過去久遠二阿僧祇九十一劫此閻浮提有大國王名波塞奇主此世界八萬四千諸小國土王大夫人生一太子身紫金色三十二相八十種好當其頂上有自然寶衆

達一

十三

相晃朗光曜人目即召相師占相吉凶因爲作字相師披看見其奇妙舉手唱言善哉善哉今此太子於諸世間天人之中無與等者若其在家作轉輪聖王若其出家成自然佛相師白王太子生時有何異事王答之言頂上明寶自然隨出便爲立字字勒那識祇此言

寶年漸長大出家學道得成爲佛教化人民度者甚多爾時父王請佛及僧三月供養有一比丘字阿梨蜜羅此言聖友保三月中作燈燈供養發意廣濟誠心歎篤佛授其記沒於來越日日入城詣諸長者居士人民求索酥油

燈炷之具時王有女名曰牟尼登於高樓見此比丘日行入城經營所須心生敬愍遣人往問尊人恒爾勞苦何所營理比丘報言我今三月與佛及僧作燈檀越所以入城詣諸賢者求索酥油燈炷之具使還報命王女歡喜又語聖友自今以往莫復行乞我當給汝作燈之具比丘可之從是已後常送酥油燈炷之具詣於精舍聖友比丘日日經營然燈供養發意廣濟誠心歎篤佛授其記沒於來世阿僧祇劫當得作佛名曰定光十號具足

王女牟尼聞聖友比丘受記作佛心自念言
佛燈之物悉是我有比丘經營今已得記我
獨不得作是念已往詣佛所自陳所懷佛復
授記告牟尼曰汝於來世二阿僧祇九十一
劫當得作佛名釋迦牟尼十號具足於是王

女聞佛授記歡喜發中化成男子重禮佛足

求爲沙門佛便聽之精進勇猛勤修不懈佛
告阿難爾時比丘阿梨蜜者豈異人乎乃往
過去定光佛是王女牟尼豈異人乎我身是
也由因昔日燈明布施從是已來無數劫中

天上世間受福自然身體殊異超絕餘人至
今成佛故受此諸燈明之報時諸大會聞佛
所說有得初道乃至四果或種緣覺善根之
者有發無上正真道意慧命阿難及諸衆會
咸共頂戴踊躍奉行

賢愚因緣經卷第十一

音釋

永樂北藏

賢愚因緣經

第一二八冊